

դատել 'ի մէնջ դատաստանի նոյն քաղաքին, և եթէ 'ի վճռոյն այնմիկ մի բաւեսցի դանդատող և դատախազն կարող է յառաջ քան զ 15 աւուր ժամանակի յետ վճռոյն իւրոյ մուծանել 'ի բարձր դատաստան, այլ եթէ 'ի վճռոյ դատաստանի քաղաքին իւրոյ բաւականացի, և կամ տան և հինգ աւուր ժամանակն անցանի, և կամ յառաջ քան զ 15 օր մուծցէ 'ի բարձր դատաստան և գտցի վճիռ 'ի բարձր դատաստանէ այն իցէ արդարութիւն որ ոչ երբէք կրկին յիշել կարասցէ, և ոչ ոք դատաստան 'ի վերայ վճռեալ բանի կըրկին ունկս զնիցէ:

### Գ Լ Ո Ւ Ն Մ Յ Բ .

Ամենայն վկայութիւն 'ի յումեքէ որ հարկեսցի եթէ յառնէ, և կամ եթէ կնոջէ վկայն և վկայութիւն հարցանողն պիտի մտանել 'ի խորան առանձին և փակել դրունս, և նախ երդմնեցուցանել վկայն 'ի վերայ սրբոյ աւետարանի որ զոր ինչ հարցմունք 'ի նմանէ արասցէ վկայն վկայեսցէ աննախանձաբար, և ամենայն զոր ինչ վկայութիւն որ ելցէ 'ի բերանոյ վկային երդմնեցելոյն նոյն վկայութիւն շարեսցի 'ի վերայ թրղթոյ, և վկայն ձեռնադրեսցէ, և վկայութիւն առնողն հաստատեսցի ձեռամբ իւրով զրելով այսինքն՝ մարտիրոս որդոյ բաղրամի 'ի գէղջէն շիրականի սեպտեմբերի ամսի 14 յամի Տեառն